



Inatsisartunut ilaasortaq,
Siverth K. Heilmann
Atassut,
Maani/

§ 37 naapertorlugu apeqputip nr. 2023-20-p akineqarnera

Inatsisartut suleriaasianni § 37, imm. 1 malillugu Aalisarneq, Piniarneq Aallaaniarnerlu pillugit inatsisit pillugit Naalakkersuisunut apeqquteqarputit. Apeqput suliassaqarfisannit akineqartussanngorlugu innersuunneqarpoq.

- 1. Piniarneq aallaaniarnerlu pillugit Inatsisartut inatsisaat nr. xx, xx. xxx 2019-imeersoq, ulloq 04. oktober 2019 Inatsisartuni siullermeerneqarpoq aappassaaneerneqarnissaa pingajussaaneerneqarnissaalu kinguartinneqarnikuvoq, Naalakkersuisut suliap inaarsarnissaanut inatsisartunut saqqummiussiniarnerisut?**

1-imut akissut) 2022-mi Inatsisartut Upernaakkut Ataatsimiinneranni Piniarneq aallaaniarnerlu pillugit Inatsisartut inatsisissaattut siunnersuut Inatsisartuni siullermeerneqarpoq. Inatsisissatut siunnersuutip aappassaaneerneqarnissaa pingajussaa-neerneqarnissaalu UKA 2022-mut kinguartinneqarpoq.

Aalisarnermut Piniarnermut Nunalerinermullu ataatsimiititaliap kinguartitsinissamik kissaateqarnera tunngavingalugu, Inatsisartuni Siulittaasoqarfiup, allakkatigut, september 29-ani 2022 ullulernerqarsimasuni, inatsisissap aappassaaneerneqarnissaa pingajussaaneerneqarnissaalu UPA2023-mut kinguartippaat. Naalakkersuisut inatsisissatut siunnersuutip aappassaaneernissaanut Aalisarnermut Piniarnermut Nunalerinermullu Ktaatsimiititaliamit isumaliutissiissut utaqqivaat.

- 2. Aalisarnermut inatsisaasup nutarsarneqarnissaanut atatillugu, qaqugu Naalakkersuisut inatsisartunut saqqummiussaqaarniarpat.**

2-mut akissut) Naalakkersuisut aalisarneq pillugu inatsisissamut siunnersuummik suliaqaleruttorput 2023-mi Ukiakkut Ataatsimiinnermi saqqummiunneqarnissaa naatsorsuutigineqarluni. Taamaallilluni siunnersuummik suliareqqiinerunngilaq, inatsisissamilli nutaamik siunnersuummik suliarinninnerussalluni.

Inussiarnersumik inuulluaqqusillunga

Karl Tobiassen

Ulloq: 26-01-2023
Suliap normua: 2023 - 1722
All. nr. 22303108
Postboks 269
3900 Nuuk
Oqarasuaat (+299) 34 50 00
Fax (+299) 34 63 55
E-mail: apn@nanoq.gl
www.naalakkersuisut.gl

Aalisarnermut Piniarnermullu Naalakkersuisoq